

皇朝史略

三

		二	和
		八	書
		六	門
		四	
一	八	〇	類
五	二	五	
冊	架	函	

庫	文	閣	內	
三		二		和
九		八		書
函		六		
一		四		
	一	〇		類
	五			
架	冊	號		

內閣文庫	
番號	和 28640
冊數	15 (1)
函號	139 58

史傳載紀得十

共十卷

139-58



皇朝史略

文昌堂藏板

不許翻印

萬

皇朝史略序

海峯文庫


黃門西山公大開史館延四方

儒士編修國史總括上下二千

歲為十餘萬言草編年之體創

紀傳之制焉歷世治亂興衰之

蹟典禮沿革之詳彰然如日星




皇朝史略

序

麗天洵萬世帝王資治之殿鑒
也彰考館國史總裁青山子世
三世鴻儒一藩領袖於書無所
不窺尤邃于史學至論其世則
滾滾不休聽者屈服嘗據
黃門公之史掾要汲詳勒成皇

朝史略一書體裁因編年筆削
宗公議敘事高古精嚴務刻繁
縟一歸簡質展覽間厯世治亂
成敗人臣功罪之蹟典章文物
因革損益之大犁然如指諸掌
也乙酉仲夏訪余村居而索序

其首余草茅懼儒自分寒素况
老病日加語言支離而廁名縉
紳自揣贅列甚矣子世不肯曰
學問之道何論貴賤固以為請
乃妄搽翰書之并記余榮云
文政乙酉夏五月龜田興謹識



皇朝史略序

史豈易作哉自非兼備三長而不拘四患者則五難
之目或不能免故以遷固之學之文猶且有記繁而
志寡之謂何況其他乎然其人削羅全史眼高一世
筆削次第不藉眾功後世之史雖或出於眾手者亦
各用所長以成一家言但辭之繁簡以事文之今古
以時則其間雖詳略不同得失互有要皆足稱一代
之良矣然其一代事蹟所見異辭所聞異辭所傳聞
又異辭况且碑版案牘多傳軼事野史小說間存遺

史記卷之四十四
史記卷之四十四
聞一出入孰信孰偽國是不定公論焉在豈帝總
會之為難裁成亦未易也而作史之家去取予奪以
一筆自任則糾謬漏落不能免後人指摘也故曰作
史難豈易讀哉若善讀史者上下數千年出入數
十史窮源竟委巨細靡遺別其同異審其得失刊其
誤砭其闕欲以救諸史之失而為一代實錄也又且
謂今史卷帙浩繁不易周覽况復事蹟錯出本末難
審觀者望洋莫知津涯是豈作者本意哉但其紀傳
之體不得不然於是乎會萃諸史為編年之體通鑑

其詳而備者也史略其簡而要者也書殊體裁人易
觀覽斯蓋非具作史之才與學與識者又烏能得敘
事簡明詳略協體哉故曰讀史亦難

皇朝自六國史而下私史家乘代不乏書古事往蹟
文獻可徵及

王室中衰武矣為政史非其人書失其體言皆瑣碎
事必叢脞識小而遺大詳內則略外識者不能無遺
憾焉 水戶黃門義公大開史局廣集群儒訪金
匱之秘探名山之藏軼事遺聞網羅殆盡作大日本

史二百四十六卷其文則史其義則公竊取之
凡事關名教者特秉鴻裁以扶明大義其體大而思
精不但稱實錄而已然而謙光之至不欲以作者自
居藏諸書府未經刊行其原稿散落在人間者輾轉
傳寫漸失面目猶且流傳不廣購求非易有志之士
往往恨焉今史館總裁青山君拙齋學問淵博才識
宏遠為文精核而有體要嘗著皇朝史略十二卷其
辭約而旨暢文省而事備舉數千年治亂興廢與夫
典章經制之沿革興除首尾該貫逐年為編使觀者

瞭然如燭照而計數焉其惠後學大矣後之讀史者
先讀史略然後讀全史史豈難讀哉即使不能一睹
全史亦能讀史略而審一治一亂所由大經大法所
存則固與全史無異也而有志之士亦可以無恨矣
然則如史略者可不梓而傳乎又可无序而言乎故
序

文政丙戌冬十月

江戸後學朝川鼎謹撰

新潟卷大任書

夫史者所以辨得失明是非也無史則已苟有史則使是非得失治亂興衰之迹瞭然於卷冊之間庶乎可以為良史也

本朝日本紀以後世有實錄然史官書當時之事不能無隱諱而是非得失頗有失其實者六國史以後世無正史稗官野乘紛然雜出是非淆亂莫以折衷後世何以考信哉我

義公憂之實始脩國史初紀傳之體罔羅古今錯

序

夫史者所以辨得失明是非也無史則已苟有史則使是非得失治亂興衰之迹瞭然於卷冊之間庶乎可以為良史也


本朝日本紀以後世有實錄然史官書當時之事不能無隱諱而是非得失頗有失其實者六國史以後世無正史稗官野乘紛然雜出是非淆亂莫以折衷後世何以考信哉我

義公憂之實始脩國史初紀傳之體罔羅古今錯

綜諸說以成一家之言闡幽微顯使是非得失之
迹粲然可觀真可謂不刊之典矣延于不敏承乏
侍罪史館校訂國史與脩諸志曰得徧窺
本朝之載籍於是隱括舊史旁攷稗官野乘鈞為
史略以授童蒙雖記載無統挂一漏萬然於攷治
亂得失之迹亦可觀其大略也延于嘗高權古今
以謂天下之大勢蓋三變矣上古封建之時世質
人朴天下奉灋政出
王室至大化始置國司郡領封建悉廢天下之勢

一變矣大寶以浚制度大脩典章可觀然外戚寢
盛政歸攝關天下之勢又一變矣保平以降
王室失馭武臣專政諸國置守護地頭而與攷之
權悉歸關東天下之勢至是又大變矣此廼讀史
之關鍵而斯書之要領也若夫經目兼舉本末畢
備則有全史在焉豈斯書之所能盡哉雖然以管
窺豹雖未見其全體亦足以知其一斑以指探鼎
雖未嘗其全味亦足以得其一齋則史略之書亦
可少哉文政壬午秋八月

青山延于謹序



Blank space for text on the right page.


凡例十則

一 大日本史校刻粗就漸經進奏然未廣布人間且其書卷袤浩瀚初學之士不便披閱今乃竊節略以為史略但其攷本書之出典更加訂補其詳略取捨不必依紀傳之舊非敢私改竄不刊之典讀者諒諸

一 是編體裁做十八史略及十九史略然二書或係年或否難以為準今是編推古已前未行曆法則槩不係年月從古事記書法推古十二年始行曆法自是已後係以年月云

一 除正史之外悉註出書以便考索若日本後紀殘缺

不完參以紀略故雖正史註其所出以別之
 一三公除拜罷薨皆書其餘除拜薨卒有關係者書之
 一書某某之子或孫或弟之類依通鑑例使讀者知世
 系之所自
 一本史悉舉諸書異同而史略之體務從簡約故今不
 悉註焉
 一是編多採本史所逸者以廣見聞
 一原始有關係者書之無關係者不悉書焉
 一應永己後別為後編
 一本史所引用諸書多者採其要者他從省略



皇朝史略卷之一

水府史臣青山延于著

延光校

神武天皇諱彥火火出見天祖大日靈尊治高天原實
 有明德照臨六合是為天照大神大神之子曰正哉吾
 勝勝速日天忍穗耳尊忍穗耳尊生天津彥彥火瓊瓊
 杵尊天祖以八坂瓊曲玉天叢雲劍及八咫鏡賜之世
 世傳以為寶瓊瓊杵尊降居日向高千穗峰娶大山祇
 女木華閔邪姬生彥火火出見尊彥火火出見尊娶海
 神豐玉彥女豐玉姬生彥波瀲武鸕鷀草不合尊帝其

第四子也母曰玉依姬生而明達年十五立為太子年
四十五在高千穗宮高千穗宮
據古事記時西州已服東國未平
長髓彥奉饒速日命為主兄猾弟猾八十梟帥兄磯城
弟磯城等各為君長不相統一帝與諸兄及皇子謀起
師征之至吉備國造行宮居之三歲備舟楫蓄兵食遂
帥舟師東下歷浪速河內勒兵赴龍田路險隘不得並
行欲東踰膽駒山而入中州長髓彥盡衆徼之孔舍衛
坂與戰不利皇兄五瀨命中流矢師不能進帝以為我
日神子孫而向日征虜不祥也不若退還示弱背日而
討之乃引還五瀨命道薨進至紀伊誅名草戶畔遂經

狹野抵熊野絕海而進遇暴風漂蕩皇兄稻飯命三毛
入野命憤恚自投海帝獨與皇子手研耳命進至荒坂
津誅丹敷戶畔又進至菟田誅兄猾弟猾納款進擊八
十梟帥於國見岳兄磯城於墨坂斬之遂進討長髓彥
饒速日命殺長髓彥以降中州悉平乃奠都於大和橿
原遂即天皇位○道臣命帥來目部護衛宮門道臣以
下古語
遺道臣命初名日臣命從帝東征至熊野帝欲進入中
州山路險絕不得前日臣命帥來目部披榛通道遂達
菟田下縣帝嘉之因賜名道臣○初可美真手以其所
傳天瑞寶獻於帝帝嘉之殊加寵異又率天物部討賊

有功至是奉瑞寶豎神盾又奉布都主神劍於殿內為
帝鎮祭帝乃命宿衛殿內因號足尼足尼之號自此始
也初以下舊事記可美真手饒速日之子也○高倉下紀伊熊
野人帝之誅丹敷戶畔也妖神吐毒衆咸迷倒高倉下
夢天照大神謂武甕雷神曰葦原中國擾亂未息汝往
征之武甕雷對曰降予平國之劍則國將自平矣乃謂
高倉下曰我有劍名齋靈今置之汝庫中宜取而獻之
天孫明且入庫視之果得靈劍即至軍獻之時帝適寐
及高倉下至忽寤衆亦尋起竟平群兇○封椎根津彥
為倭國造弟猾為猛田縣主初帝東征至速吸門有漁

人來迎名曰珍彥帝命為鄉導賜名椎根津彥及至菟
田賊兵據守險要道梗不通帝夢有神誨曰互取天香
山土以造天平瓮及嚴瓮敬祭神祇則虜自平矣會弟
猾上言亦與夢協乃使椎根津彥及弟猾往取天香山
土時賊兵充塞椎根津彥等羸服微行遂獲土而還帝
大喜乃造八十平瓮嚴瓮祭神祇於丹生川上賊果平
至是帝錄功封之○詔作時於鳥見山祭皇祖天神○
帝巡幸登腋上嗛間丘望地形曰美哉國也似蜻蛉之
銜尾矣由是始有秋津洲之號蜻蛉秋津訓讀相通○立皇子神
淳川耳尊為皇太子○帝在位七十六年崩壽一百二

十七葬畝傍山東北陵太子立是為綏靖天皇
 綏靖天皇神武帝第三子也母媛踏鞬五十鈴媛皇后
 帝天安岐疑少有雄氣及長沉毅善武技性至孝在諒
 闇悲慕無已委庶務於庶兄手研耳命手研耳命久典
 樞機威福由已潛圖不軌帝知而密為之備及山陵事
 畢與母兄神八井耳命謀除之會手研耳命獨卧窟室
 帝與神八井耳命排闥而入使神八井耳命射之戰慄
 不能發矢帝乃奪其弓矢射而殪之○都於葛城是謂
 高丘宮○立磯城津彥玉手看尊為皇太子○帝在位
 三十三年崩壽八十四太子立是為安寧天皇

安寧天皇綏靖帝子也母五十鈴依媛皇后○遷都片
 鹽謂之浮孔宮○立大日本彥耜友尊為皇太子在位
 三十八年崩壽五十七太子立是為懿德天皇
 懿德天皇安寧帝第二子也母淳名底仲媛皇后○遷
 都於輕謂之曲峽宮○立觀松彥香殖稻尊為皇太子
 在位三十四年崩壽七十七本書享年闕古事記曰肆
拾伍歲今據本書立為太
子年十六之文推之從水鏡皇
代記皇年代略記神皇正統記太子立是為孝昭天皇
 孝昭天皇懿德帝子也母天豐津媛皇后○遷都掖上
 謂之池心宮○立日本足彥國押人尊為皇太子在位
 八十三年崩壽一百十四本書享年闕今據本書立為
太子年十八之文推之從水

鏡皇代記皇年代太子立是為孝安天皇

孝安天皇孝昭帝第二子也母世襲足媛皇后○遷都

於室謂之秋津島宮○立大日本根子彥太瓊尊為皇

太子在位一百二年崩壽一百三十七歲本書享年闕古事記曰壹

佰貳拾參歲今據立太子年太子立是為孝靈天皇

孝靈天皇孝安帝子也母押媛皇后○遷都黑田謂之

廬戶宮○立彥國牽尊為皇太子按神皇正統記曰秦

然舊史所不載故今不取在位七十六年崩壽一百二十八歲本書

闕古事記曰壹佰陸歲水鏡百三十四正統記百十年

據本書立為太子年二十六之文推之從愚管抄皇年

代略太子立是為孝元天皇

孝元天皇孝靈帝長子也母細媛皇后○遷都於輕謂

之境原宮○立稚日本根子彥大日日尊為皇太子在

五十七年崩壽一百一十六歲本書享年闕古事記曰

今據本書年十九立為太子太子立是為開化天皇

開化天皇孝元帝第二子也母鸕色謎皇后○遷都春

日謂之率川宮○立御間城入彥尊為皇太子在位六

十年崩壽一百一十一歲太子立是為崇神天皇

崇神天皇開化帝第二子也母伊香色謎皇后帝性聰

敏幼有雄略及壯寬弘謹慎恒有經綸大業之志○遷

都磯城謂之瑞籬宮○始祀天祖天照大神於倭笠縫

初天祖以寶鏡賜皇孫曰汝視之當猶視吾宜同休共
殿以奉祀焉故歷世紀之殿內至是畏其瀆神建祠笠
縫奉安神鏡及靈劍使皇女豐鍬入姬侍祠更造鏡劍
以為護身之器奉安鏡劍及造鏡
劍據古語拾遺又命皇女淳名城入
姬祭大國魂神○帝憂疾疫大行民多死止於是幸神
淺茅原卜之於八十萬神乃祭大物主神命伊香色雄
為班幣物者使大田田根子祭大物主神長尾市祭倭
大國魂神既而又祭八十萬神定天社國社神地神戶
於是疾疫始息年豐民安○遣大彥命於北陸武渟川
別於東海吉備津彥命於西道丹波道主命於丹波因

詔曰有不從命者舉兵伐之授印綬以為將軍置將軍

始此

將軍始此
據正統記

及發會武埴安彥反欲襲京師即命大

彥命吉備津彥命彥國葺討平之既而大彥命等奉詔
各往四道威德大行○始校人民更課調役○始造船
船○立活日尊為皇太子令豐城命治東國○任那國
始遣蘇那曷叱知朝貢任那去筑紫二千餘里在雞林
之西南○帝在位六十八年崩壽一百二十歲帝崇重
神祇用心民事家給人足天下大治故稱御肇國天皇
太子立是為垂仁天皇

垂仁天皇崇神帝第三子也母御間城姬皇后幼而岐

疑及長個儻有大度崇神帝鍾愛之常置左右嘗謂帝
 及豐城命曰朕於二子慈愛無異未知孰為嗣有夢互
 告朕以此占之二皇子沐浴而寢明日豐城命入奏夢
 登御諸山東嚮弄槍者八擊刀者八帝奏夢登御諸山
 巔緝繩四方逐啄粟雀崇神帝諭之曰兄唯東嚮互治
 東國弟臨四方互繼朕位遂立為太子至是即位○遷
 都纏向謂之珠城宮○新羅王子天日槍歸化藏其所
 齋寶物於但馬土人崇奉謂之出石社出石社據古事記○狹
 穗彥謀反使八綱田將兵討之狹穗彥伏誅狹穗彥皇
 后母兄也初狹穗彥潛圖不軌密謂皇后曰夫以色事

人色衰寵弛若使我得志與汝共蒞天下汝長無憂矣
 乃以匕首授之使伺帝寐刺之會帝幸來目高宮枕后
 膝而寢后思兄言悲泣不禁淚落帝面帝寤謂后曰朕
 夢錦色小蛇匝頸有雨從狹穗來沾朕面是何祥也后
 悚懼具以實告帝曰是非汝罪也乃使八綱田討之狹
 穗彥堅城拒守后曰止吾兄吾何顏復蒞天下迺抱皇
 子奔投城中帝諭狹穗彥使出后及皇子狹穗彥不聽
 八綱田遂縱火焚城后使人抱皇子出城遂偕狹穗彥
 死城中八綱田豐城入彥之子也豐城入彥子據姓氏錄○野見
 宿禰出雲人天穗日命之裔也以勇力聞時當麻邑有

當麻蹶速膂力絕人常誇其勇以為天下之人無能抗
已者帝聞之求其對或薦野見帝乃召二人命角力野
見蹶蹶速脅腰骨折而斃輒以其田宅賜之○帝使倭
姬代豐歛入姬祀天照大神倭姬奏遷之於伊勢建齋
宮於五十鈴川上○令祠官卜兵器為祭幣吉乃納弓
矢刀於諸社更定神地神戶以時祭之以兵器祭神始
此○皇后日葉酢媛崩先是皇弟倭彥命薨以其近習
為殉晝夜哀號聲聞于外帝聞而惻之詔禁殉死至是
帝使群臣議之野見宿禰奏請以土偶代之帝嘉之立
為永制以野見任土部職自後土部連世掌大喪云○

令諸國開池溝凡八百以便灌溉民賴殷富○立大足

彥尊為皇太子○按歷代皇紀濫觴抄並云是時始遣

不取東夷傳云中元二年倭奴國奉貢朝賀使人自稱

大夫國之極南界也又魏志倭人傳有伊都國日本紀

所謂伊覩國即今筑前怡土郡是也伊覩倭奴相通據

此則是時遣使者伊覩國造而非朝廷遣使明矣近世

筑前人有得古印者文曰倭國王之印蓋漢時之所

授也倭古字通用後世以倭為音和為日本總稱誤

也○帝在位九十九年崩壽一百四十歲初帝遣田道

間守求非時杵葉於常世國及間守還帝已崩間守至

伏見陵慟哭而死聞者傷惋焉太子立是為景行天皇

景行天皇垂仁帝第三子也母日葉酢媛皇后帝容貌

雄偉長一丈二寸容貌已下帝嘗與兄五十瓊敷命侍

皇朝通志 卷一
垂仁帝帝曰二子試言所欲五十瓊敷命曰願得弓矢
帝曰願得大位因賜弓矢於五十瓊敷命謂帝曰汝宜
嗣朕位於是儲位乃定○都纏向謂之日代宮○筑紫
熊襲反車駕親征至日向居高屋宮召群寮議討熊襲
有一臣進曰彼有二女曰市乾鹿文市鹿文有勇且美
宜啗以重幣誘納之使其圖之帝從之招納二女陽寵
市乾鹿文既而市乾鹿文奏曰妾有一計得從兵兩人
足以辦事帝聽之市乾鹿文歸家飲酒以醇酒伺其醉
卧密斷弓弦從兵進殺之帝惡其大逆誅市乾鹿文以
妹市鹿文賜火國造襲國悉平帝居高屋宮六年一日

幸丹裳小野東望謂左右曰是國也直向日出方因號
其國曰日向帝思婦作歌是謂思邦歌○帝發高屋宮
巡狩筑紫從葦北浮海夜冥不知所向望見火光即得
著岬帝問曰邑名為何國人對曰八代縣豐村使尋其
火莫知處所故名其國曰火國○遣武内宿禰觀察東
北諸國地形民風武内還奏東夷之中有日高見國男
女推結文身風俗勇悍號曰蝦夷土地膏沃可擊而取
也○熊襲復反命皇子日本武尊討之日本武尊時年
十六將發曰我欲得善射者與之共行或薦美濃弟彥
公日本武尊遣入召之弟彥乃率其國人石占橫立及

皇朝史略 卷一
尾張田子稻置乳近稻置偕來日本武尊進至熊襲國
察其形勢賊魁名取石鹿文適宴其親族日本武尊被
髮為童女装置劍裊中入居婢妾之中賊魁見而悅之
延置座側舉杯戲狎夜闌眾散賊魁被酒而臥日本武
尊拔劍刺之未殊曰汝為誰曰我是大足彥天皇之子
名日本童男賊魁曰吾嘗見強勇者未有若皇子者吾
雖賤陋願上嘉號曰日本武尊言訖遂刺殺之自是稱
日本武尊既而分遣弟彥等討滅醜類熊襲悉平○東
夷反帝又使日本武尊征之吉備武彥大伴武日從焉
日本武尊過伊勢拜神宮倭姬以神劍授之進至駿河

土賊欲誘日本武尊殺之乃勸之游獵因縱火燒野日
本武尊鑽燧取火反燒賊徒時挺劍難艸賴以得免由

是名叢雲劍曰草薙云

按本書一說劍自抽薙草
今從古事記古語拾遺

遂擊

賊殲焉因號其處曰燒津進歷相模將往上総海上遇
風船將覆沒時妃橘媛從白日本武尊曰海神為崇妾
請以身贖之言訖投海暴風即止遂得著岸自上總轉
入陸奧進至蝦夷境賊酋望風降附蝦夷悉平還至伊
勢能褒野而疾使吉備武彥奏捷京師遂薨于能褒野
時年三十帝大悼惜錄其功為定武部○立皇子稚足
彥尊為皇太子以武內宿禰為棟梁臣○以彥狹島王

拜東山道十五國都督薨于道使其子御諸別王襲職時蝦夷擾亂御諸別討平之○帝幸近江居志賀謂之高穴穗宮在位六十年崩于高穴穗宮壽一百有六歲太子立是為成務天皇

成務天皇景行帝第四子也母八坂入姬皇后景行帝嘗宴群臣帝及武內宿禰不至召問故對曰百僚宴樂情在戲游一有急變恐不能禦故侍門下以備非常帝嘉之遂立為太子景行帝崩即位於高穴穗宮○以武內宿禰為大臣置大臣始此置大臣以下據曆○令國郡立造長縣邑置稻置按古事記成務紀曰定大國小國之國造大縣小縣之縣主則

稻置與縣主同然古事記景行紀云以諸皇子為國造和氣及稻置縣主據此則稻置之外又有縣主蓋邑長稱治租稅者而言則謂之縣主乎姑附備攷界山河分國縣事者而言則謂之縣主乎姑附備攷

百姓安居天下大治○立皇姪足仲彥為皇太子在位六十年崩壽一百有七歲太子立是為仲哀天皇

仲哀天皇日本武尊第二子也母兩道入姬帝容姿端正身長十尺○以大伴武以為大連置大連始此以大伴

據曆運記○詔諸國貢白鳥養之於日本武尊之陵池愚管抄初日本武尊之薨也景行帝悲哀詔遣群卿百寮葬之能褒野有白鳥出兆域飛去閱棺視之唯有明衣於是遣使追尋其鳥集倭琴彈原因造陵於其地白鳥又飛

至河內止舊市邑因又作陵時人號三陵曰白鳥陵至是帝思慕不已故有是命○行幸角鹿造行宮而居之謂之筭飯宮帝巡狩南國留皇后及百寮於角鹿從駕者僅數百行至紀伊會熊襲及帝帥舟師親征遣使角鹿令皇后會于穴門造宮室居之謂之豐浦宮○帝幸筑紫居檀日宮會群臣議討熊襲時有神憑皇后曰西方有國是謂新羅如能祭我我當使帝有之如彼熊襲何足勞師旅乎西方以下參取古事記帝乃登山望海曠遠無所見帝竟不之信一日帝暴病崩于檀日宮後世立祠以祀焉謂之檀日廟檀日或作香椎朝廷有事祭告後世以下據拾芥抄有

祭告日本紀略在位九年壽五十二皇后秘不發喪詔中臣烏

賊津大三輪大友主物部膽咋大伴武以等帥百僚守衛宮中密令武內宿禰奉梓宮至穴戶殯於豐浦宮皇后傷帝慢神早崩乃自齋戒再請神教隨教而祭即遣鴨別討熊襲旬日而服於是決意西征令諸國造戰艦練兵甲皇后身為丈夫裝執斧鉞令三軍時皇后有身通當產月乃取石挿腰祝曰願事畢還日免於茲土遂發和珥津大魚夾船風順船迅不勞擄械直抵新羅潮水怒漲溢及國中新羅王波沙寐錦按三國史記東國通鑑為婆娑尼師今即惶遽不知所為面縛來降乃解其縛遂入其都封

府庫收圖籍以所杖矛樹之國門其矛傳在國門云新
羅王以波珍干岐微叱已知為質按釋日本紀曰波珍
作微叱已知波獻金銀彩色綾羅縑絹八十船自後調
珍干岐今訂之貢以八十艘為定額高麗百濟亦望風歸降於是三韓
悉服乃置官司振旅而還至筑紫蚊田生皇子是為應
神天皇

皇朝史略卷之一

皇朝史略卷之二

水府史臣青山延于著

男 延光校

應神天皇仲哀帝第四子也母氣長足姬皇后幼而聰
達玄鑿深遠動容進止聖表有異初帝在孕皇后西征
及生腕上肉起如鞞似皇后雄裝負鞞故名譽田按本
古謂鞞亦稱胎中天皇本書繼○皇后奉帝帥百僚至
曰譽田豐浦宮發仲哀帝喪將奉梓宮還京時帝庶兄麁坂忍
熊二王舉兵要皇師于播磨會麁坂死忍熊退屯住吉
皇后直向難波忍熊退軍菟路皇后乃會帝於紀伊日

高入小竹宮議進討時天悔暝如夜連日皇后遣武內宿禰擊忍熊忍熊敗死群臣尊皇后曰皇太后臨朝攝政立帝為皇太子時年三歲都磐余謂之稚櫻宮○新羅遣使朝貢徵叱已知請歸國許之遣葛城襲津彥送之是時遣使於魏魏主遣建中校尉梯携報聘○百濟遣使與新羅使朝貢時新羅奪百濟貢物相易而獻救責新羅使者遣千熊長彥於新羅責問之○以荒田別鹿我別為將率百濟人久氏等討新羅破之遂定比自牀南加羅喙國安羅多羅卓淳加羅七國屠南蠻枕彌多禮以其地賜百濟其後新羅不朝使葛城襲津彥討之是時遣使於晉○太后攝

政六十九年崩壽一百歲是為神功皇后太子即位都輕島謂之明宮都輕島已下古事記○東蝦夷朝貢即使蝦夷作廐坂道○初百濟王枕流卒子阿花年少叔父辰斯篡立至是遣紀角羽田矢代蘇我石川平群木菟於百濟責辰斯失禮國人殺辰斯以謝角等立阿花而歸○定諸國海人山守部○令伊豆作船長十丈試之於海輕疾如馳名曰枯野按枯輕訓讀相通野語助後船朽壞毀之為薪以煮鹽帝得其焦餘異之命作琴果良材也○高麗百濟新羅任那入貢使武內宿禰領韓人作池因號韓人池○遣武內宿禰巡察筑紫時其弟甘美內宿禰諧於帝

曰武內據筑紫招三韓以圖不軌帝信之遣使殺武內
 有真根子者代武內而死武內竊逃歸詣闕自明帝鞠
 訊武內及甘美內使二人探湯於磯城川濱質情偽於
 神祇甘美內服罪武內執佩刀毆之踣地隨而欲殺之
 帝特詔釋之賜紀伊直等之祖以為孥武內執政如故
 ○百濟功滿王之子弓月君請率其國人歸化功滿王
子據姓
錄氏遣葛城襲津彥於加羅迎之○百濟王貢縫衣女其
 後使子阿直岐貢良馬阿直岐通經典帝問之曰汝國
 有博士賢於汝者乎對曰有王仁者一國之秀也帝乃
 遣荒田別徵王仁百濟王使王仁古事記作和通吉師
王仁和通訓讀相通

率治工卓素吳服西素釀酒仁番等來朝獻論語十卷
 千字文一卷率己下文
古事記文教之興始此神皇正統記○百濟王
 阿花卒使阿直岐還國嗣位○遣平群木菟的戶田率
 兵討新羅先是襲津彥至加羅迎弓月人口為新羅所
 留至是新羅王服罪木菟等遂將襲津彥及弓月人口
 而歸木菟武內宿禰之子也○帝幸吉野國樺人獻醴
 酒奏風俗歌自後貢獻歲以為常○漢主劉宏之裔漢主
己下姓
氏錄阿知使主及其子都加使主率十七縣人口來
 歸奏曰帶方男女皆有才藝近者寓百濟高麗之間心
 懷猶豫未知去就請垂天恩以招徠之帝遣使召之以

為公民諸國漢氏其後也奏已下續日本紀○遣阿知使主于

吳求縫工女吳主遣女工四人○立皇子稚郎子為皇

太子先是高麗入貢表薛漫稚郎子讀之大怒召使者

讓其無禮面壞其表稚郎子幼好讀書師阿直岐王仁

博通典籍帝甚鍾愛至是立為太子命大鷦鷯皇子輔

之使大山守皇子掌山川林野○帝在位四十一年崩

壽一百一十歲元明帝和銅五年祀帝於豐前宇佐郡

號八幡大神宮元明己下宇清和帝創石清水社以為

宗廟歲時奉祀焉石清水八幡緣起神皇正統記皇子大鷦鷯尊立是

為仁德天皇

仁德天皇應神帝第四子也母仲姬皇后帝之生也有

木兔入殿是日大臣武內宿禰亦生子鷦鷯入室應神

帝以為祥謂武內曰今朕子與大臣之子同日而生並

有瑞祥取其鳥名相易名子因名帝曰大鷦鷯應神帝

既立少子稚郎子為太子令帝輔之及應神帝崩太子

讓位于帝避之菟道宮帝以名分素定不聽會大山守

皇子謀反帝知其謀密告太子殺之太子固欲帝踐位

而相讓三年帝執志益確太子知其不可奪乃自殺帝

遂即位

外史氏曰立子以長年鈞以賢此萬世不易之大經

也 應神以私愛立少子固失長幼之序夫 帝之
 立之以嫡耶 仁德嫡也推耶庶也則 仁德宜立
 而推耶不宜立焉以賢耶則 仁德尤賢推耶雖賢
 不宜以弟先兄雖然推耶既居儲位名分已定則推
 耶之讓 仁德不得不辭焉然則推耶何以不讓於
 應神建儲之時而於 應神既崩之後曰 應神
 愛推耶而立之而推耶讓之是傷父志也故隱忍至
 是殺身以成其志若推耶者可謂仁且孝矣推耶之
 薨 仁德不獲已而後即位則兄弟相讓兩得其互
 應神始崇文教以禮讓為天下其効如此國家之

所以興非徒然也

○都攝津難波謂之高津宮宮室不聖務從節儉一日
 帝登臺遠望人烟不起以為百姓窮乏家無炊者詔除
 課役三年宮垣頽敗無所營作比及三年五穀豐穰百
 姓殷富歡聲盈路其後帝復登臺遠望見炊煙盛起謂
 皇后曰朕既富矣復何憂乎后曰今宮室朽壞不免暴
 露何謂富乎帝曰君以民為本民貧則朕貧也民富則
 朕富也未有民富而君貧者矣今炊煙盛起富庶可知
 也諸國請輸稅調以修宮室不聽後數年始科課役造
 宮室百姓扶老携幼爭先來赴運財負簣日夜營作未

幾宮室悉成○帝憂河水橫溢居民被害詔䟽河流穿
渠宮北號曰掘江又築茨田堤以防北河○高麗入貢
獻鐵盾鐵的帝饗之於朝大會群臣令射鐵的衆莫能
穿惟戶田宿禰射而洞之使人大驚起而羅拜帝嘉賞
特賜姓名的戶田宿禰○立去來穗別尊為皇太子○
以諸秦氏分處諸郡使養蠶織絹以貢帝嘉秦氏所獻
柔軟愜體賜普洞王姓波陀普洞王者弓月君之子也
以諸己下○始置鷹甘部初依網阿弭古得鷹獻帝帝
令酒君養之未幾得馴酒君著條繫鈴臂之以獻帝獵
百舌野試之獲雉數十因命置鷹甘部酒君者普洞王

之子也○初新羅不朝貢遣的戶田賢遺臣責問之新
羅懼乃貢調絹雜品凡八十艘後朝貢復絕遣竹葉瀨
責之竹葉瀨途獲白鹿還獻之重遣其弟田道率精兵
擊之詔曰新羅若阻命宜急擊之新羅果反數來挑戰
田道固壘不出獲新羅卒問軍虛實對曰有百衝者驍
勇絕倫每為右軍先鋒若擊其左破之必矣田道選精
騎擊其左軍新羅兵大敗乘勝縱擊殺傷數百虜四邑
人民以歸○蝦夷反遣田道討之田道敗死從者取其
手纏婦授田道妻妻大悲慟即抱手纏縊死時人傷惋
○大臣武內宿禰薨大臣己下水宿禰孝元帝曾孫屋

主忍武雄心命之子也歷事景行成務仲哀應神及帝
 五朝至是薨在官二百四十四年歷事已下水鏡公卿補任不詳其
 年壽云按諸書所載年壽不一故今不取○始置冰室初大中彥皇子
 獵于鬪雞望野有如屋廬使人視之則窟也召鬪雞稻
 置大山主問之曰冰室也掘土丈餘藏冰其中以草覆
 之比至夏月出而用之大中彥乃獻之帝大悅自是每
 季冬伐冰藏之至春分頒之○遣難波根子武振熊誅
 飛驒賊宿難宿難為人前後二面四手四足膂力絕人
 左右佩劍四手執弓恃力拒命掠略人民至是命武振
 熊討之○縣主吉備國人勇悍多力輕捷絕倫時吉備

中國川島河有巨蚪行旅被害死者交道縣守患之攘
 臂入水拔劍斬蚪悉斷其種類河水為赤時人服其勇
 因號其淵曰縣守淵○帝崩在位八十七年壽一百一
 十歲本書享年闕古事記為捌拾參歲誤也今從水鏡皇代記皇年代略記帝性明叡專
 心政事躬行節儉賦薄歛百姓殷富教化大行稱為
 聖帝聖帝據古事記嘗與皇后避暑高臺聞菟餓野鹿鳴愛之
 一夕鹿不鳴明日猪名縣佐伯部獻鹿帝問何處獲之
 曰獲之菟餓野帝謂皇后曰計獲鹿之日與所獲之地
 蓋朕所愛者也獲者雖無心朕未釋然不欲使彼近皇
 居乃命移佐伯部於安藝其慈仁愛物如此太子立是

為履中天皇

履中天皇仁德帝長子也母磐之媛皇后仁德帝崩帝既除喪未即位會住吉仲皇子反舉兵圍宮帝方被酒而臥時平群木菟物部大前阿知使主等入告帝不信木菟等扶帝上馬而逃仲皇子遂焚宮帝至河內埴生坂而醒顧視煙燄大驚馳趨倭乃發當摩兵踰龍田山阿曇連濱子遣兵數十人追之帝設伏悉捕獲之倭直吾子籠素善仲皇子密聚精兵將徼帝望其兵衆懼而歸降帝駐石上神宮既而瑞齒別皇子誅仲皇子來報帝乃還宮遂即位○立皇弟瑞齒別皇子為皇太子○遷

都磐余謂之稚櫻宮

按本書云即位於磐余稚櫻宮蓋誤也

○平群木菟

蘇我滿智物部圓執國政○一日帝泛舟宴市磯池膳

臣余磯獻酒櫻花飄落御盞時方盛冬帝異之謂物部

長真膽連曰是花非時而來汝往覓之於是長真膽尋

花得之掖上室山而獻之帝大喜以為宮名○始置史

於諸國記民言事達四方志○始置藏職因定藏部○

帝在位五年崩壽七十太子立是為反正天皇

反正天皇履中帝母弟也生於淡路宮生而駢齒汲瑞

井具浴時多遲花飄落井中因名曰多遲比瑞齒別多

遲今虎杖也帝以誅仲皇子為履中帝所寵遂立為太

子至是即位○遷都於河內丹比謂之柴籬宮在位六
年崩壽六十今從古事記群臣議迎雄朝津間稚子宿
禰皇子立之是為允恭天皇

允恭天皇反心帝母弟也初反心帝崩無嗣群臣迎立

帝帝遜讓不許群臣奉壘固請遂即位於遠明日香宮

明日香宮
據古事記○帝憂氏姓混亂會諸氏人於味檀丘設探

湯正其詐冒以定氏姓帝憂已下參
取古事記○帝寵衣通姬造

宮於河內茅渟處之衣通姬皇后妹也容色絕世光豔

徹衣時人號曰衣通姬從母在近江坂田帝聞而召之

以后色不擇不敢內之宮處之藤原宮至是造宮茅渟

自是數託游獵行幸焉○立木梨輕皇子為皇太子○

帝在位四十二年崩穴穗皇子立是為安康天皇

安康天皇允恭帝第三子也母忍坂大中姬皇后初允

恭帝崩太子木梨輕淫虐滋甚群臣不服屬心於帝太

子懼變密集兵將護帝慮事不捷匿於物部大前家帝

率兵圍之太子自殺帝遂即位○遷都石上謂之穴穗

宮○帝幸山宮暴崩初帝欲為大泊瀨皇子聘大草香

皇子妹幡梭皇女使根使主致其意大草香大喜因獻

其私寶押木珠縵以為信驗使主愛珠縵私匿之不進

詐奏大草香不肯奉命帝怒遣兵圍其第攻殺之乃取

幡拔為大泊瀨妃又取大草香妃中蒂姬為妃尋立為
皇后后初在大草香家生眉輪王眉輪以母故免罪養
宮中及幸山宮帝謂后曰汝雖親昵朕畏眉輪眉輪時
年七歲七歲據古事記游戲樓下悉聽其言遂登樓伺帝寐刺
而弑之在位三年壽五十六大泊瀨皇子立是為雄略
天皇

雄略天皇允恭帝第五子安康帝同母弟也初生神光
滿殿長而剛健過人安康帝之遭弑大舍人走告變帝
疑諸兄逼八鈞白彥皇子問其所以皇子不答帝拔刀
斬之又問坂合黑彥皇子亦不答帝愈怒黑彥皇子思

與眉輪王止匿於大臣葛城圓宅帝圍其第縱火焚殺
之又殺市邊押磐皇子御馬皇子廼即位於泊瀨朝倉
遂都焉以平群真鳥為大臣大伴室屋物部目為大連
真鳥木菟之子室屋武以之子也○立幡拔皇女為皇
后○始置穴人部帝獵御馬瀨大獲禽顧謂群臣曰獵
場之樂使膳夫割鮮就與自割左右相視不對帝怒拔
刀斬御者促駕還宮太后憂懼乃使倭采女日媛迎駕
獻酒帝悅日媛携手入後宮白太后曰今日游獵多獲
禽欲與群臣割鮮歷詢群下莫能承意故朕怒之太后
慰之曰群臣不對者不曉帝意爾獵場宜置穴人部膳

皇朝文獻通考卷之二
臣長野善作穴臚請以充之以我為始使群臣貢之可也帝大悅自後臣連伴造相繼而貢遂置穴人部○帝獵葛城山皇后從焉野豬突至帝命舍人逆射刺之舍人怖而避之豬直突將觸帝帝蹈殺之獵罷欲斬舍人后諫曰天下皆謂陛下荒畋以獸故殺人無乃不可乎帝欣然納之與后上車曰獵者獲禽朕獨獲善言而還樂哉眾呼萬歲遂釋舍人○吳國遣使來聘○以吉備田狹為任那國司田狹據任那反初田狹入直禁內盛稱其妻之美帝替聞而心悅之乃拜田狹為任那國司奪其妻稚媛為妃田狹聞而大怒遂據任那反是時新

羅久不朝貢遣田狹子弟君及吉備海部赤尾討之取道百濟賜書百濟王令獻技工田狹乃使弟君據百濟反弟君妻樟媛知其謀殺弟君遂與赤尾將百濟技工而歸○高麗與新羅通好遣兵一百人戍新羅備百濟新羅誤殺戍兵高麗怒攻新羅新羅乞救於任那日本府任那王請膳斑鳩吉備小梨難波赤目子率兵救之大破高麗軍○新羅久不朝貢帝遣紀小弓蘇我韓子大伴談小鹿火等討之大破之喙地悉定餘眾不降率兵擊之大伴談紀岡前來目力戰而死兩軍交綏紀小弓卒于軍小弓子大磐聞父喪往新羅奪小鹿火兵殺

蘇我韓子據任那○命木工鬮雞御田始起樓閣○先是遣身狹青檜隈博德於吳至是還自吳與吳使及工人漢織吳織縫衣兄媛弟媛共來泊住吉津處其工人於檜隈野以兄媛奉大三輪神以弟媛為漢衣縫部○誅根使主初吳人來聘使使主饗之於石上高坂原帝密使舍人視之舍人還奏使主所着珠纒甚美帝欲觀之命臣連服飾如饗吳使時及引見殿前后見使主珠纒悲泣帝怪問之右曰使主所着珠纒先帝為陛下聘妾時妾兄大草香之所獻也今視之不覺悲泣帝聞大怒詰問之使主首服帝欲誅之使主逃至日根築壘拒

守官軍擊殺之○初難波日香蚊事大草香皇子皇子之遇害也日香蚊與其二子抱持皇子屍呼曰冤哉吾主至此我父子生事之死不殉此不臣也即皆自剄衆為流涕至是求其子孫賜姓大草香部吉士○詔聚秦氏百八十部賜秦酒君秦氏所獻調絹充積朝廷造大藏以藏之置大藏官以酒公為長官造大藏己下姓氏錄○高麗攻陷百濟殺其王及王子立王弟汶洲為王賜久麻那利地○立白髮皇子為皇太子○祀豐受大神於伊勢度會郡山田原初在丹波真井原至是遷祀焉祀己下延曆儀○丹波餘社郡有浦島子者一日乘舟而釣得大龜

化為美女浦島子悅以為婦遂俱入海到蓬萊久之思
 懸女知其情告別贈以玉合曰若欲再相見慎勿啓視
 焉乃上舟俄頃至浦口訪其舊里邑閭變易並無相識
 見一老嫗問之曰傳聞往昔此地有浦島子者一日乘
 船而去終不歸來浦島子惘然自失乃閱合視之有鶩
 氣起於合中俄而變為老翁後不知所終桑略記續浦島子傳○按釋日本紀註引丹後風土記云丹後與謝郡伊豫部馬養作文記浦島事馬養持統帝時人也而水鏡續古事談皇代記並云淳和帝天長二年浦島子還鄉後人傳會從可知也故不取○百濟王文斤卒遣昆支王第二子末多王其國賜以兵器使筑紫軍士護送之筑紫安致臣馬飼臣等率舟師擊高麗

○帝在位二十三年崩壽六十二本書享年闕今據帝

性好殺百濟采女與石川楯姦使來日部執二人縛手足於木置假皮上焚死之嘗見木工猪名部真根斫木以石為質終日揮斧不毀其刃帝異之問曰汝無誤中石耶荅曰不誤乃使采女裸體相撲真根心動誤毀其刃帝怒其言欺妄欲刑之其徒歎惜作歌諷之帝聞而赦之晚年頗留心政事國家無事太子立是為清寧天皇

清寧天皇雄略帝第三子也母葛城韓媛帝生而白髮故稱白髮皇子長而有愛民之心雄略帝特異重之遂

立為太子雄略帝之崩星川皇子謀不軌據大藏大伴
 室屋與東藻掬討平之率群臣奉置於帝即位於磐余
 甕粟遂都焉○帝憂無子而名不傳於後命大伴室屋
 置白髮部舍人膳夫靱負於諸國○立億計王為皇太
 子以弘計王為皇子○遣臣連於諸國巡省風俗○詔
 罷獻犬馬器玩○帝在位五年崩壽四十一

本書享年
闕今據水

鏡一代要記
皇年代略記弘計王立是為顯宗天皇

顯宗天皇初稱弘計王履中帝孫市邊押磐皇子第二
 子也母美媛初雄略帝殺押磐皇子也皇子帳内日下
 部使主與其子吾田彦奉帝及母兄億計王避難於丹

波余佐郡使主變名田疾來既而懼誅逃入播磨縮見
 山石室自縊死帝不之知與億計王至播磨明石郡為
 忍海部造細見家僮會國司來目部小楯來宴細目家
 時二王執燭在側小楯知其非常人使二王起舞億計
 王起舞既而帝又起歌舞歌中寓以諷詞小楯聞而異
 之更令復唱帝乃自贊曰我是去來穗天皇子押磐皇
 子之胤也按本書云於市邊宮治天下天萬國押小楯
 大驚避席再拜供奉甚謹還具奏其狀清寧帝大喜曰
 朕無子可以為嗣乃迎入宮中立億計王為太子帝為
 皇子及清寧帝崩太子讓位於帝帝固辭不從於是帝

姊飯豐青皇女臨朝稱制無幾皇女薨太子奉璽勸進
帝辭讓數四乃受之即位於近飛鳥八鈞宮○初押磐
皇子之遭害也帝猶幼弱不知其墓及即位召聚父老
親臨歷問有一老嫗知其所於是行幸近江來田綿蚊
野改葬焉○始設曲水宴始設據水鏡○召前播磨國司來
目部小楯優詔褒其功因授山官賜姓山部連○紀大
磐據任那通謀高麗志欲并吞三韓乃開府自稱神聖
用任那人左魯奇他甲肖策殺百濟人適莫爾於爾林
築帶山城扼東道絕百濟糧道百濟王怒遣領軍古爾
解內頭莫古解等攻帶山城大磐逆擊破之既而兵竭

力屈走歸本邦○帝在位三年崩壽三十八本書享年
事記帝久在民間知百姓疾苦及即位留心政事賑卹
水鏡貧窮不數年而百姓殷富歲比稔穀斛直銀錢一牛馬
被野太子立是為仁賢天皇

仁賢天皇諱大脚字島郎初稱億計王顯宗帝母兄也
清寧帝時立為太子清寧帝崩讓位顯宗帝至是即位
於石上廣高宮○遣難波日鷹於高麗求工人日鷹率
工匠而還○立小泊瀨稚鷦鷯尊為皇太子○在位十
一年崩壽五十本書享年闕今初顯宗帝即位怨雄略
帝殺其父欲毀帝陵帝諫曰陛下與億計共蒙先帝之

皇朝史略
卷二
殊恩以至今日陛下不報其德而發其父之陵無乃不可乎顯宗帝嘉其言乃止帝幼而聰敏仁惠謙恕在位之間吏稱其職民安其業遠近清平戶口蕃殖太子立是為武烈天皇

武烈天皇仁賢帝子也母春日大娘皇后仁賢帝立為太子帝崩大臣平群真鳥專政潛謀篡奪其子鮪又無禮於帝帝與大伴金村謀除之金村將兵誅鮪又圍真鳥第遂誅之即位於泊瀨列城遂都焉在位八年崩帝性殘忍嗜殺刳孕婦觀其胎或解人指甲使掘薯蕷又拔人頭髮使之登樹而射墜之以為快其殘虐如此帝

崩無嗣群臣迎立男大迹王是為繼體天皇

繼體天皇初稱男大迹王應神帝五世孫也父彥主人王居近江三尾別業娶三國坂中井人女振媛生帝帝幼孤從母鞠養于越前高向及壯有大度愛士禮賢會武烈帝崩無嗣大連大伴金村定諫迎倭彥王王望見儀衛甚嚴大懼逃匿金村更議備法駕迎帝帝據胡牀齊列侍臣儼如帝坐持節使等視其尊嚴意甚嚮之帝猶豫未就道會河內馬飼荒籠潛遣人具告群臣翼戴之意帝意遂決至樟葉宮金村上鏡劍帝辭讓數次乃即位○遷都山背筒城○遣哆唎國司總積押山于百

濟百濟貢調請任那上哆唎下哆唎娑陀牟婁四縣許
之又遣將軍姐彌文貴州即爾從總積押山來貢五經
博士段揚爾奏伴跋國奪己汶之地召會百濟新羅安
羅伴跋使者下詔以己汶帶沙地賜百濟○立勾大兄
皇子為皇太子○遷都弟國後遷都倭磐余玉穗○使
近江毛野率衆六萬往任那復新羅所侵故地時筑紫
國造磐井叛據火豐二國通謀新羅距毛野遣物部麤
鹿火將兵討之磐井伏誅筑紫悉定○任那王己能末
多干岐來朝訴新羅背約侵掠遣使護送己能末多干
岐又詔近江毛野和解諸蕃毛野綏馭失方遣使召還

之○大臣許勢男人薨○帝疾病傳位太子尋崩在位
二十五年壽八十二太子立是為安間天皇

安間天皇初稱勾大兄繼體帝庶長子也母妃目子媛
帝器宇寬弘有人君之量○遷都倭勾金橋因為宮號
○百濟朝貢○在位二年崩壽七十檜隈高田皇子立
是為宣化天皇

宣化天皇繼體帝第二子安間帝母弟也初稱檜隈高
田皇子器宇清通不_レ以才能矜人安間帝崩無嗣群臣
上鏡劍勸進帝遂即位○遷都檜隈廬入野因為宮號
以蘇我稻目為大臣阿部火麻呂為大夫○大連物部

麤鹿火薨麤鹿火歷事仁賢武烈繼體安間及帝心直
仁勇曉兵事嘗討磐井有功至是薨○新羅寇任那詔
大伴金村遣其子磐狹手彥敏任那磐留筑紫以備三
韓狹手彥往鎮任那又救百濟○帝在位四年崩壽七
十三群臣迎立繼體帝皇子是為欽明天皇
欽明天皇繼體帝嫡子也母手白香皇后宣化帝崩無
嗣群臣議迎帝立之○遷都倭磯城島謂之磯城島金
刺宮○高麗百濟新羅任那遣使貢獻○肅慎人漂來
佐渡島北御名部崎○遣膳臣巴提便於百濟巴提便
至百濟一夕宿海濱止其小兒爾夜大雪旦起尋索見

地有虎蹤隨而認行至巖岫下果有虎跳出見巴提便
張口欲噬巴提便左手捉虎舌右手拔刀刺殺之取其
皮而還○百濟王明遣使獻金銅佛像及幡蓋經論上
表讚述其功德帝欲禮之下群臣議之蘇我稻目奏宜
禮之物部尾輿中臣勝海本書作
銚子誤俱奏不宜禮帝從之
乃賜佛像於稻目稻目捨向原家為寺時諸國大疫久
而愈甚尾輿等奏疾疫之起實由禮佛互速毀佛像以
求後福帝納焉乃命有司投佛像於難波掘江悉火伽
藍○初百濟王伐高麗復其故地取漢城平壤至是新
羅與高麗通謀攻百濟百濟棄漢城平壤新羅入居之

百濟遣使乞救遣內臣名於百濟許遣援兵因賜船馬
弓矢又敕使醫博士易博士曆博士逸番往來○立皇
子淳中倉大珠敷尊為皇太子○百濟又遣使乞救貢
易博士曆博士醫博士樂工帝遣內臣率舟師如百濟
俱伐新羅攻函山城拔之百濟王上表奏捷獻其虜獲
并好錦毼毼及斧三百口○百濟王明為新羅所殺王
子餘昌遣其弟惠來赴遣阿倍臣佐伯連名等發筑紫
舟師護送王子惠又遣筑紫火君率勇士一千送至彌
臣津守其要害○新羅滅任那遣大將軍紀男麻呂副
將河邊瓊岳討新羅新羅起兵距戰男麻呂擊破之已

而瓊岳輕進失利為新羅所虜時調伊企儼亦被執奮
罵不屈見殺其子舅子六抱其父而死人咸傷惋焉○
遣大將軍大伴狹手彥率兵數萬伐高麗大破之高麗
王踰牆而逸狹手彥乘勝入宮悉獲其珍寶而還○大
臣蘇我稻日薨稻日崇奉佛法捨向原家為寺號向原
寺是為佛祠之始○高麗入貢○帝在位三十二年崩
太子立是為敏達天皇

敏達天皇欽明帝第二子也母石姬皇后○物部守屋
為大連蘇我馬子為大臣守屋尾與之子馬子稻日之
子也○高麗上表用烏羽字跡不辨人莫能讀王辰爾

取其刺蒸以飯甑印之於帛文字盡見始得讀之帝大
嘆異辰爾其先百濟人初應神帝時遣使百濟求有識
者王以其孫辰孫王應之隨使入朝大闡儒風辰爾其
玄孫也初己下續日本紀桓武紀○營宮於譯語田是謂韋玉宮○
帝以任那未復為憂時火葦北國造阿利斯登子曰羅
在百濟賢而有勇帝欲召議軍事遣吉備海部羽島徵
日羅百濟愛其材而不肯遣帝復遣羽島召之百濟遂
使恩率德爾余怒可奴知參官拖師德率次于德等送
日羅至帝大喜使揀手子阿部日物部贊子問計日羅
具陳征討之策帝嘉納焉恩率參官恐其言己國事及

發命德爾余怒殺日羅帝大怒收德爾等下獄鞠問皆
服罪乃以德爾賜日羅族殺之○蘇我馬子崇信佛法
脩治佛宇時物部守屋素不喜佛法白帝毀塔宇燔佛
像棄餘燼于難波掘江又捕馬子所崇信三尼撻之由
是與馬子有隙其後馬子依病請奉三寶帝雅好文史
不信佛法謂馬子曰汝獨為之勿惑他人矣○帝在位
十四年崩大兄皇子立是為用明天皇

用明天皇初稱大兄皇子欽明帝第四子也母蘇我堅
鹽媛都于磐余謂之池邊雙槻宮○初敏達帝之崩也
穴穗部皇子竊懷覬覦及帝即位愈益不平使物部守

屋殺三輪逆逆自敏達帝時寵任用事至是守衛殞宮
 皇子欲悉炊屋姬皇后強入殞宮逆拒而不內皇子怒
 與守屋率兵圍磐余池邊逆知之潛匿炊屋姬皇后別
 宮海石榴市為族人所告皇子復遣守屋遂殺之自是
 皇后及馬子俱惡皇子初己下參取本書註○帝新嘗於磐余河
 上新嘗祭名按類聚國史以清寧帝二年為新嘗始公
事根源以用明帝時為始然仁德紀云是歲當新嘗
之日賜酒名婦据此則新嘗之禮得病還宮詔群臣曰
是時已有之非妨于此故不取
 朕欲歸三寶卿等議之物部守屋中臣勝海奏佛蕃神
 不足敬蘇我馬子贊成詔旨引僧入宮於是守屋馬子
 怨隙滋甚守屋聞馬子圖己集兵自守迨見赤檮殺勝

海○帝崩在位二年欽明皇子若雀命立若雀命據是古事記
 為崇峻天皇

崇峻天皇欽明帝第十二子也母蘇我小姊君初用明
 帝崩無嗣大連物部守屋欲盡去諸皇子而立穴穗部
 皇子託游獵而陰圖作難既而謀泄大臣蘇我馬子奉
 炊屋姬皇后詔遣佐伯丹經手土師磐村等夜圍穴穗
 部皇子宫兵士登樓擊皇子肩皇子墜地走入旁室乃
 舉燭索而殺之又殺宅部皇子又與帝及諸皇子群臣
 率兵攻守屋守屋親率子弟及家兵距戰兵勢甚盛諸
 皇子軍畏懦不敢進豐聰耳皇子與馬子整兵進攻迨

見赤構射斃守屋守屋軍遂敗炊屋姬皇后與群臣議立帝宮于倉梯○百濟貢調并獻佛舍利及僧慧聰等九人寺工鑪盤工瓦工畫工○始造法興寺後改號元興寺後改己下拾芥抄○帝欲復任那以紀男麻呂巨勢比良夫大伴嚙等為大將軍率兵二萬屯筑紫遣吉士磐金於新羅吉士木蓮子於任那○帝暴崩初蘇我馬子專橫日甚帝意不平一日密謂豐聰耳皇子曰馬子外好矯飾內懷姦心何以處之皇子曰陛下盍馬子專橫小忍焉水鏡人或獻野猪於帝帝指之曰何時殺朕所惡之人如斷此猪也因備兵仗馬子聞而懼乃使東漢直駒弒

帝在位五年群臣議立炊屋姬皇后是為推古天皇推古天皇欽明帝女用明帝妹也為敏達帝皇后至是群臣請皇后踐阼乃即位於豐浦宮○立豐聰耳皇子為皇太子攝行萬機太子用明皇子母穴穗部間人皇后皇后懷妊偶出巡視宮省至厩戶而生太子因名厩戶生而穎敏及壯博學多通兼精釋典至是立為儲貳○創四天王寺於難波荒陵帝信佛法詔太子及蘇我馬子興隆佛法於是群臣競造佛寺○高麗僧慧慈百濟僧慧聰來大弘佛教及法興寺成以二僧處之○新羅貢孔雀一隻○百濟貢駱駝驢羊白雉○新羅與任

那戰帝命境部臣穗積臣將兵萬餘擊新羅大破之拔其五城新羅歸其侵地乞降帝遣使二國檢問其狀於是二國寢兵因召還諸將比還新羅復侵任那○命來目皇子率兵二萬五千討新羅皇子至筑紫疾不果行○百濟僧觀勒來貢曆及天文地理遁甲方術等書敕選書生受業○來目皇子薨於筑紫○帝徙御小墾田宮太子請帝造大楯及靴又畫于旗幟始定冠位大德小德大仁小仁大禮小禮大信小信大義小義大智小智凡十二階並以當色純縫之頂振總如囊而有緣唯元會著髻華○十二年甲子春正月戊戌朔始用曆日

始用已下據政事要略引古傳賜冠位於諸臣各有差○夏四月太子

定憲法十七條○秋九月改制朝禮○十三年夏四月

始造銅繡丈六佛像各一以鞍作鳥為佛工高麗王大

興聞之獻黃金三百兩○秋閏七月太子命諸王諸臣

著褶○十五年春二月定壬生部○秋七月遣大禮小

野妹子於隋遺隋主書其略曰日出處天子致書日沒

處天子無恙遺書以下隋書善隣國實記隋人稱妹子曰蘇因高○

十六年夏四月妹子還自隋隋使裴世清來報聘○秋

九月世清歸隋復以妹子為大使難波雄成為小使學

生高向玄理學問僧南淵請安及僧旻等按本書旻為日文據舒明

紀四年僧曼還自唐則馬字從之○十七年秋九月妹

子還自隋○十八年春三月高麗貢僧曇微法定曇微

通五經善畫造紙墨礮磬○冬十月新羅任那入貢○

十九年百濟人味摩之歸化味摩之學于吳傳伎樂舞

乃處之櫻井令少年習之○二十二年夏六月遣犬上

御田歙矢田部造矢田部造名闕於隋○二十三年秋九月御

田歙還自隋百濟入貢○二十五年始造大安寺二十五年

己下元○二十六年秋八月高麗朝貢因獻隋俘及駱

駝器械○二十八年秋八月掖玖人漂泊伊豆島○是

歲太子與大臣蘇我馬子議撰天皇紀及臣連伴造國

造等本紀○二十九年春二月皇太子薨謚曰聖德據謚

神皇正統記○三十一年秋七月新羅復擊任那取之使大

德境部雄麻呂小德中臣國等將兵討之新羅恐怖請

罪釋之○三十二年夏四月始置僧正僧都檢校僧尼

以百濟僧觀勒為僧正鞍作部德積為僧都○三十四

年夏五月大臣蘇我馬子薨馬子性陰狡有才略性陰狡據

水鏡以外戚久擅朝權外戚已下初馬子使東漢駒弒崇

峻帝群臣畏馬子不敢收之馬子寵駒甚至令出入卧

內駒遂姦馬子女馬子聞之大怒捕駒縛之於木親射

之數其行弒逆駒大叫曰我知有大臣不知有帝也馬

子愈怒挺劍斬殺之世以此益惡其姦云初己下○六月雪○是歲以蘇我蝦夷為大臣

外史氏曰神武已後相傳二十餘世未有女主臨

朝者神功雖稱制終不即真而女主即真自古始也厥後皇極持統相繼即位甚至聖武以

孝謙為儲貳盖由帝之作備也當是之時蘇我

馬子專權欲其易制故立己出以成固寵保位之計

卒馴致蝦夷父子僭逆之端嗟乎神功臨朝而懸

象失光推古在位而盛夏飛雪陰氣之盛其應如

此孰謂天道悠遠不關人事乎

○三十六年春三月帝崩壽七十五遺詔立田村皇子是為舒明天皇

舒明天皇敏達帝孫押坂彥人大兄之子也初稱田村

皇子女糠手姬皇女推古帝崩遺詔帝嗣位時山背王

亦以為受旨於是大臣蘇我蝦夷大會群臣議定所立

群臣以遺詔故皆欲立帝唯境部摩理勢等固欲立山

背王群議久不決蝦夷遂殺摩理勢定策立帝○二年

春三月高麗百濟並朝貢○秋八月遣大仁犬上御田

鍬藥師慧日於唐○冬十月移宮于飛鳥岡謂之岡本

宮○三年春三月百濟王璋納其子豐為質按本書云百濟王義

慈納王子豐璋為質然據東國通鑑是歲武王璋立三十二年也義慈立舒明帝十三年則本書之誤可知也又按唐書及三國史記東國通鑑皆作豐本書舒明紀中或作豐今從之 ○四年秋八月

犬上御田歛還自唐唐使高表仁報聘留學僧旻等從之 ○九年蝦夷反大仁上毛野形名為將軍討平之 ○

十二年冬十月新羅百濟朝貢遣唐學生高向玄理學問僧請安從新羅使而還 ○始定斗升斤兩始定已下扶桑略記

一代要記 ○十三年冬十月帝崩皇后立是為皇極天皇

皇極天皇初稱寶皇女押坂大兄皇子孫茅渟王之女也初適高向王後為舒明帝皇后帝崩明年正月即位時蝦夷子入鹿自專國政威權過父 ○百濟弔喪使來

○二月高麗貢獻 ○詔遣津守大海於高麗國勝水雞於百濟草壁真跡於新羅坂本長兄於任那 ○三月新羅賀登極使及弔喪使來 ○秋八月先是亢旱彌月大臣蝦夷以百姓大零無應聚僧大寺讀經祈雨無驗至是帝行幸南淵河上跪拜四方仰天而祈雷雨忽至遂雨五日遍于郡國百姓呼萬歲稱曰至德天皇 ○蝦夷替逆滋甚建祖廟於葛城高宮而為八佾舞又興大役豫營父子壽藏名曰大陵小陵 ○二年夏四月遣居於飛鳥板蓋宮 ○冬十月大臣蝦夷因疾不朝私授紫冠於入鹿以擬大臣入鹿潛謀立古人大兄皇子皇子舒

明帝子蘇我氏之出也故入鹿欲立之時山背大兄王
素有威望入鹿深忌之時已下十一月入鹿遂遣巨勢

德太古土師土手襲大兄王於斑鳩王及子弟妃妾自

經而死○三年春正月以中臣鎌足為神祇伯固辭不

就鎌足小德冠御食子之子也小德已下系圖○按大

陸人大織冠傳曰和州博涉書傳器宇宏遠智略絕人

高市郡人未詳孰是博涉已下及是稱疾退居三鳥時入鹿專橫圖危國家

鎌足慨然有匡濟之志竊察宗室諸王可輔以濟功者

屬心中大兄皇子然不得通情一日陪皇子蹴鞠於法

興寺槻樹下皇子鞋偶脫鎌足跪奉之皇子亦跪受之

由是情好日密然恐數會人生嫌疑託學周孔之道於

南淵先生按本書推古帝十六年遣小野妹子於唐學

自唐據此則南淵每相往來密謀于路鎌足乃勸皇子

與蘓我石川麻呂結昏以為援又薦佐伯子麻呂葛城

稚大養縹田○冬十一月蘇我入鹿雙起第宅於甘檮

岳稱蝦夷宅曰宮門己宅曰谷宮門稱其子曰王子構

柵門於宅外傍造兵庫常仗兵士警衛時蝦夷又造宅

於畝傍山東築城環池每出入從兵士數十其僭擬如

此○四年夏六月三韓入貢中大兄謂石川麻呂曰三

韓進調之日卿當讀表吾欲入誅入鹿石川麻呂諾及

期帝御大極殿入鹿入侍入鹿為久多疑劍不去身鑣足使俳優調之入鹿乃解劍而入便戒衛門府閉諸門中大兄親執長槍立於殿側鑣足持弓矢警衛石川麻呂讀表文將盡鑣足促子麻呂子麻呂畏縮不發石川麻呂手戰聲顫流汗沾背入鹿怪問之石川麻呂曰天威咫尺不覺乃爾中大兄恐其失機徑入斫入鹿子麻呂等繼進遂斬殺之中大兄又遣巨勢德太古誅蝦夷事平帝傳位於輕皇子是為孝德天皇

孝德天皇初稱輕皇子皇極帝母弟也皇極帝四年六月傳位於帝帝讓古人大兄皇子皇子固辭入法興寺

為僧帝遂即位尊皇極帝曰皇祖母尊立中大兄皇子為皇太子以阿陪倉梯麻呂為左大臣蘓我石川麻呂為右大臣中臣鎌足為內臣置左右大臣及內臣始此

置已下公卿補任曆運記以高向玄理僧旻為博士○始改元曰大化年有號始此年號始此據日本紀○大化元年秋七月高麗新羅入貢百濟使佐平緣福朝貢兼領任那調

使巨勢德太古宣詔責百濟使却還貢物遣三輪粟隈東人馬飼造名觀察任那國界○八月設鍾匱於朝詔令有所訴而尊長不達者納牒于匱寬枉者得撞鍾以訴○九月古人皇子謀反伏誅○遣使諸國錄戶口詔

禁百姓私賣地以杜兼并之路百姓大悅○冬十二月
 遷都于難波長柄豐崎○二年春正月宣詔下新令其
 一罷前代所置子代之民處處屯倉及臣連伴造國造
 村首所有部曲田莊大夫以上賜食封官人百姓賜布
 帛各有等級其二新定畿内國界修京師置國司郡司
 郡分大中小置大領小領主政主帳其三造戶籍制班
 田收授之法定田畝其四罷舊賦役行租庸調之法○
 遣使郡國修兵庫○二月高麗百濟任那新羅朝貢○
 秋八月下詔諭新設百官悉改舊職之意于臣連伴造
 國造○九月遣小德高向玄理本書作黑麻呂註曰黑
麻呂更名玄理按玄理

猶曰黑麻呂訓
相通非更名也於新羅徵質遂罷任那調按扶桑略
記皇代記
並云是歲始造宇治橋與
續紀所載不合故不取○三年春正月高麗新羅朝
 貢○是歲帝徙御小郡宮新制禮法定百官朝參時刻
 制七色十三階冠工人大山位倭漢荒田井比羅夫穿
 溝瀆通難波督役失方百姓疲勞有上疏諫者詔即日
 罷役造亭足柵置柵戶○四年夏四月罷古冠○是歲
 治船柵備蝦夷選越信濃民始置柵戶○五年春二
 月改制冠十九階置八省百官○三月左大臣阿陪倉
 梯麻呂薨○殺右大臣獲我倉山田石川麻呂石川麻
 呂馬子孫倉麻呂之子馬子已
下系圖誅入鹿有功帝寵異任

右大臣賜以金策至是其弟日向譖之太子太子信之
遂奏于帝帝乃遣兵圍其第石川麻呂逃入山田寺自
殺既而太子籍其家得其所自記始悟其冤遂貶日向
為太宰帥

外史氏曰石川麻呂與藤原鎌足誅入鹿有大功於
王室有罪猶宥之况其無罪乎而一旦信讒戮及
無辜帝之於石川麻呂何其慘礪少恩也既悟日
向之讒互肆諸市朝以正刑憲而罪僅止貶竄帝
於是乎失刑也

○夏四月以小紫巨勢德太古為左大臣小紫大伴長

德為右大臣並授大紫○白雉元年春二月穴戶國司

草壁醜經獻白雉因詔改元○夏四月新羅朝貢○二

年夏六月百濟朝貢○秋七月右大臣大伴長德薨秋

月己下公○冬十二月帝徙御豐崎宮謂之難波長柄

豐崎宮○三年夏四月新羅百濟朝貢○四年夏五月

以小山上吉士長丹為遣唐大使小乙上吉士駒為副

使又以大山下高田根麻呂為大使小乙上掃守小麻

呂為副使○六月百濟新羅朝貢○秋七月遣唐使高

田根麻呂至薩麻竹島之間合船漂沒唯門部金等五

人得免○是歲皇太子奏請遷于倭京不許太子奉皇



祖母尊皇后率皇弟移居倭飛鳥河邊行宮公卿百官皆從帝驚懼欲遜位造宮於山碕○五年春二月以大錦上高向玄理為遣唐押使小錦下河邊麻呂為大使大山下藥師慧日為副使○夏四月吐火羅國男女各二人舍衛國女一人漂泊日向○秋七月遣唐使吉士長丹等與百濟新羅送使共歸獻書籍寶貨○冬十月帝崩在位十年帝天資柔仁用意治道訪求民瘼罷國造置國司郡司畫國界定田制至是國家制度始定矣皇極帝再踐祚是為齊明天皇

齊明天皇初禪位於孝德帝上尊號曰皇祖母尊及孝

德帝崩再臨萬機○元年春正月即位於飛鳥板蓋宮○秋八月下河邊麻呂等還自唐○冬板蓋宮災徙御飛鳥川原宮○是歲三韓朝貢○二年改卜宮地於飛鳥宮本新羅百濟朝貢因幕其地以饗之遂起宮闕號曰後飛鳥宮本宮又起觀於田身嶺上兩槻樹上周以墻垣號曰兩槻宮又造吉野宮百濟獻鸚鵡一隻岡本宮災○三年秋七月設孟蘭盆會於飛鳥寺西○吐火羅人漂泊筑紫遞驛召之○四年春正月左大臣大紫巨勢德太古薨○夏四月越國守阿陪比羅夫率舟師一百八十艘伐蝦夷降之置郡領於濇代津輕二郡而

皇朝史略 卷二
三十一
歸○冬十一月有間皇子謀反伏誅有間孝德皇子性頗狡黠先是詭稱有疾浴牟婁溫湯及歸盛稱其風土之美帝欲往觀至是遂幸牟婁嶺我赤兄留守一日赤兄舉時政三失以語有間有間喜以為赤兄黨已乃詰其家密謀舉事所倚案脚無故自折以為不祥俱盟而止爾夜赤兄命物部朴井鮪圍其第馳使以聞遂執有間及其黨與送行在乃絞之藤白坂其黨與伏誅○是歲阿陪比羅夫伐肅慎獻熊二熊皮七十張僧智瑜造指南車○五年春三月吐火羅舍衛國人來○阿陪比羅夫率舟師一百八十艘討蝦夷置郡領於後方羊蹄

而歸○秋七月遣小錦下坂合部石布等於唐將蝦夷男女二人示唐主○六年春二月遣阿陪比羅夫率舟師二百艘伐肅慎○夏五月高麗朝貢○阿陪比羅夫獻虜俘五十餘人○秋九月百濟遣使奏新羅借唐兵滅己國佐平鬼室福信與新羅戰圖恢復○冬十月鬼室福信遣使獻唐俘一百餘人乞救且請迎王子餘豐以為國主詔許之○十二月將遣兵救百濟於是行幸難波宮簡閱軍器救駿河造船○七年春正月親帥舟師赴筑紫三月進至娜大津居磐瀨行宮○夏五月帝伐朝倉社樹造橘廣庭宮徙居之社神作樂宮中數有



皇朝史略卷之二終

妖怪侍臣多死○耽羅始遣王子阿波伎來貢○秋七月帝崩于朝倉宮在位前後凡十一年帝好土功屢興大役嘗使水工穿渠自香山西至石上山以船二百隻運石上山石於宮東山疊以為垣材木朽腐委積山椒費用不貲庶怨嗟云太子立是為天智天皇

皇朝史略卷之二終

